



## JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 32-02-5001/21  
Zenica, 26.07.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016. godine), direktor Kantonalne bolnice Zenica, donosi

### ODLUKU

#### I

Vrši se odabir ponude ponuđača "WIZARD HEALTH" D.O.O. MOSTAR, kao najpovoljnijeg i jedinog ponuđača za nabavku usluge - održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (tender broj: 32-N-03/21), ukupne ponuđene vrijednosti 44.280,00 KM bez PDV-a uz zaključivanje Ugovora na period od 1 /jedne/ godine.

Sa odabranim ponuđačem iz stava 1. ovog člana zaključit će se Ugovor na period od 1 /jedne/ godine nakon pravosnažnosti Odluke, na ponuđeni iznos u vrijednosti od 44.280,00 KM bez PDV-a.

#### II

Javna nabavka je provedena putem pregovaračkog postupka sa objavom obavještenja o nabavci sa namjerom provođenja e aukcije.

#### III

Ova odluka stupa na snagu danom donošenja.

### OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH, broj: 103/14), Komisija za nabavku usluga: održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (32-N-03/21), imenovana Odlukom direktora broj: 01-02-379-1/21 od 23.06.2021. godine podnosi direktoru JU Kantonalna bolnica Zenica izvještaj o provedenom postupku javne nabavke usluga: održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (32-N-03/21).

Odlukom direktora broj 01-02-379/21 od 23.06.2021. godine pokrenut je postupak javne nabavke usluga: održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (32-N-03/21), ukupne procijenjene vrijednosti 44.300,00 KM bez PDV-a na jednogodišnjem nivou, pregovaračkim postupkom sa objavom obavještenja o nabavci, a u skladu sa članom 20. stav (1) tačka b) Zakona o javnim nabavkama BiH.

Pregovarački postupak sa objavom obavještenja je odabran za korištenje iz sljedećih razloga:

Predmetna nabavka je definisana u Planu javnih nabavki za 2021. godine pod rednim brojem II-2-2.11, II-2-2.12. i II-2-2.14. Članom 20. stav (1) tačka b) Zakona o javnim nabavkama BiH propisano je da ugovorni organi mogu ugovore dodjeljivati putem pregovaračkog postupka, sa objavljivanjem obavještenja o nabavci, u izuzetnim slučajevima, kada zbog prirode robe, usluga ili radova ili zbog rizika povezanih sa izvršavanjem predmeta nabavke nije moguće prethodno određivanje ukupne cijene. Obzirom da priroda usluga određuje specifične uslove i zahtjeve za realizaciju predmetne javne nabavke smatramo da su ispunjeni uslovi za primjenu pregovaračkog postupka sa objavom obavještenja.

Predmetna javna nabavka objavljena je na portalu javnih nabavki dana 28.06.2021. godine broj obavještenja o nabavci: 669-3-2-173-3-209/21 i objavljena u Službenom glasniku, sa rokom za prijem zahtjeva za učešće

14.07.2021. g. do 09,00 sati, i otvaranjem ponuda/zahtjeva za učešće zakazanim za dan 14.07.2021. g. u 09,05 sati.

Komisija konstatuje da su prema izvještaju o preuzimanju tenderske dokumentacije od strane ponuđača, I fazu nadmetanja, odnosno predkvalifikaciju preuzela ukupno 8 (osam) potencijalnih ponuđača, a zahtjev za učešće/ponudu dostavilo je 1 (jedan) kandidat:

#### **1. "WIZARD HEALTH" D.O.O. MOSTAR**

Komisija je tražila dostavu sljedećih dokumenata kako bi kandidati dokazali svoju kvalificiranost:

<b>Lična sposobnost kandidata (član 45. Zakona o javnim nabavkama BiH)</b>
--

U svrhu dokazivanja lične sposobnosti kandidat je dužan dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti, kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2 (u prilogu ove TD), ovjerenu kod nadležnog organa, kao i obične kopije slijedećih dokumenata:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
  - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
  - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
  - d) potvrde nadležne/ih institucija o uredno izmirenim obavezama po osnovu direktnih i indirektnih poreza.
- Izjava ne smije biti starija od 15 /petnaest/ dana od dana predaje ponude.

Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u tački 7. u svrhu dokazivanja činjenica datih u Izjavi. Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD, u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH. Dokaze je izabrani ponuđač dužan dostaviti na adresu ugovornog organa u roku od 7 (sedam) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 7. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ukoliko ugovorni organ bude imao sumnje u postojanje okolnosti vezanih za ličnu sposobnost kandidata, ugovorni organ će se obratiti nadležnim organima s ciljem provjere dostavljene dokumentacije iz tačke 7. i Izjave iz tačke 7. TD.

Ugovorni organ će odbiti zahtjev za učešće ukoliko utvrdi da je ponuđač bio kriv za težak profesionalni propust počinjen tokom perioda od tri godine prije početka predmetnog postupka, koji ugovorni organ može dokazati

na bilo koji način, posebno značajni i /ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

#### **Sposobnost obavljanja profesionalne djelatnosti (član 46. Zakona o javnim nabavkama BiH)**

Kandidat je u svrhu dokazivanja sposobnosti obavljanja profesionalne djelatnosti dužan dostaviti dokaz o registraciji u odgovarajućim profesionalnim ili drugim registrima zemlje u kojoj je registrovan ili da osigura potrebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost koja je u vezi sa predmetom nabavke.

U svrhu dokazivanja uslova iz ove tačke kandidat je dužan dostaviti:

- a) aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude,
- b) izjava ponuđača da ima ovlaštenje proizvođača opreme da pruža usluge iz predmeta javne nabavke

Dokaz pod a) se dostavlja kao neovjerena kopija originala s tim da datum izdavanja originala ne može biti stariji od tri mjeseca računajući od dana dostavljanja ponude.

Dokaz pod b) se dostavlja kao original.

#### **Ekonomska i finansijske sposobnost iz člana 47. ZJN BiH**

- a) Da je glavni transakcijski bankarski račun kandidata aktivan i solventan

U svrhu dokazivanja uslova kandidat je dužan dostaviti:

- Izjavu ovjerenu od strane kandidata, koja je dostavlja u formi iz Priloga broj 5. TD, koja ne smije biti starija od 15 /petnaest/ dana od dana predaje ponude i dostavljanje:
- Potvrde banke kandidata da kandidat ima otvoren i solventan račun kod iste i da je ujedno taj račun glavni (naznačiti na potvrdi da je glavni), dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude.

Kandidat koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

#### **Izjave o uslovima za pružanje usluga i obezbjeđivanju servisne podrške (Izjave o ekskluzivnim pravima i pružanju servisne podrške) koje čine sastavni dio zahtjeva za učešće:**

- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RGB - MIKROBIOLOGY ZA MIKROBIOLOŠKI LABORATORIJ koje je implementirano u Službi za mikrobiologiju Kantonalne bolnice Zenica, i nadogradnju istog,
- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RENOVATIO -transfuzijskog informacionog sistema, koje je implementirano u Transfuzijskom centru Kantonalne bolnice Zenica, i nadogradnju istog,
- Izjava kandidata da jedini raspolaže ekskluzivnim pravima i tehničkim mogućnostima za održavanje/servisiranje APLIKATIVNOG SOFTVERSKOG RJEŠENJA RGB ANALYSIS laboratorijskog informacionog sistema koje je implementirano na Odjelu medicinsko biohemijske i imunološke dijagnostike Kantonalne bolnice Zenica, i nadogradnju istog,
- Izjava ponuđača da ima radno angažovanog minimalno jednog servisnog inženjera osposobljenog i certificiranog za održavanje softverske i hardverske (serverske) infrastrukture,
- Izjava ponudjača ovjerena kod nadležnog organa (općinskog organa uprave ili notara) o davanju garancije na funkcionalnost sistema i raspoloživost istog 98,5%, pored planiranih gašenja sistema, kroz razdoblje od 36 mjeseci, odnosno da je u cijenu uključeno kompletno servisiranje i održavanje sistema prema tehničkoj specifikaciji iz Obrasca za cijenu ponude. Obaveza raspoloživosti od strane Davaoca usluga ne uključuje one slučajeve u kojima je obezbjeđivanje uvjeta neophodnih za pristup obaveza samog Korisnika, uključujući zastoje sistema zbog neispravnog rada hardverske opreme, električnih i lokalnih IT mreža, nedostatka zaštite od virusa, narušavanja sigurnosnih procedura pristupa i međunarodne sabotaže.

- Izjava ponuđača na odziv serviseru u kritičnim situacijama 4 sata, a van radnog vremena 8 sati od momenta prijave kvara od strane nadležne osobe korisnika usluga, a u ostalim slučajevima prema detaljnom opisu servisnog plana iz specifikacije tehničkih zahtjeva, te da će sve obaveze iz Ponude izvršiti pravovremeno, kvalitetno i savjesno, u cijelosti u skladu sa pravilima struke, te predlagati najpovoljnija rješenja, primjenjujući savremene metode i procedure važeće za ovu vrstu djelatnosti u svijetu.
- Izjava ponuđača da će raditi redovne obilaskne sistema od strane serviseru najmanje dva puta godišnje, putni troškovi neće biti dodatno fakturirani,
- Izjava ponuđača o kontinuiranom radu na otklanjanju prijavljenog kvara sve dok se kvar ne otkloni, a što znači dovođenje sistema u funkcionalno ispravan rad,
- Izjava ponuđača da njegovi serviseri obavljaju programska osvježanja glavne verzije u skladu s ugovorom, ili instalaciju potencijalnih sistemskih zakrpa putem VPN veze uz pomoć uređaja za daljinsko nadgledanje kojim korisnik raspolaže, najkasnije 2 mjeseca od izdavanja istih
- Izjava ponuđača da će njegovi serviseri pregledati i/ili popraviti nedostatke na programu putem VPN veze i uz pomoć uređaja za daljinsko nadgledanje na raspolaganju korisnika
- Izjava ponuđača da preuzima obavezu da njegovi serviseri na lokaciji pregledaju i/ili popravu nedostatke na programu, ukoliko obavljanje popravaka putem veze za daljinsko nadgledanje nije moguće zbog problema koji se javlja na strani serviseru.
- Izjava ponuđača da preuzme obavezu da prilagodbi programa korisniku koje se pokažu od velike važnosti u radnim procesima korisnika, bez dodatne naknade.
- Izjava ponuđača da će ukoliko bi se pojavila potreba planskog gašenja sistema radi pružanja usluga serviseru, poduzeti sve potrebno da korisnika obavijesti u pisanoj formi, a najmanje sedmicu dana unaprijed.
- Izjava ponuđača da ukoliko, korisniku nastanu bilo kakve štete za koje je dokumentovano odgovoran serviser, izvršilac usluga je dužan korisniku platiti štetu u skladu sa odredbama Zakona o obligacionim odnosima, s tim da se izvršilac usluga se neće teretiti za nastalu štetu ukoliko:
  - je uzrokovana promjenom od strane korisnika na konfiguraciji ili u radnoj okolini u koju je smješten hardver ili softver komponente;
  - je uzrokovana hardverskim ili softverskim komponentama koje nisu nabavljene od izvršioca, a koje rade sa sistemom ili mogu utjecati na sistem.
  - korisnik ne osigura tehničke uslove za opremu, neophodne da bi se osigurala neprekinuta pohrana podataka (redundant data saving),
  - u slučaju da su zadovoljene tehničke potrebe omogućavanja neprekinute pohrane podataka, korisnik tim uređajima ne rukuje na profesionalan način,
  - U slučaju da gubitak, rasipanje ili promjena u podacima nije uzrokovano od strane serviseru i/ili nema utjecaja na uslugu koju serviser ili osoba koja nastupa u njegovo ime pruža.
- Izjava ponuđača da u okviru ugovora o nabavci usluga obezbijedi detaljan plan rada u slučaju prirodne katastrofe ili većih kvarova (ispada sistema).
- Spisak osoba koje pristupaju putem veze za daljinsko nadgledanje sa potpisanom Izjavom o čuvanju poslovne tajne i primjerenom rukovanju informatičkom imovinom korisnika za sve osobe implementatora koje će obavljati ugovorene poslove. U slučaju promjena podataka na popisu osoba, implementator se obvezuje dostaviti korisniku potpuno novi ažuriran popis osoba.
- Izjava ponuđača da će čuvati svaku informaciju koju su radnici izvršioca usluga u sklopu ovog ugovora saznali kao tajnu. Ova pretpostavka obuhvata, sve informacije koje spadaju u nadležnost Zakona o zaštiti ličnih podataka i Zakona o pravima, obavezama i odgovornostima pacijenata. Serviseri zadržavaju pravo da neophodne informacije prenesu svojim zaposlenicima i mogućim partnerima u provedbi preuzetih obaveza, u mjeri neophodnoj za izvršenje preuzetih obaveza, uz poštivanje odredbi o tajnosti.
- Izjava ponuđača da će serviser da redovno izvršava sve zadatke neophodne za osiguranje trajnog rada uređaja za sprječavanje ne funkcioniranja, uz poseban naglasak na zadatke navedene u tekstu ispod:
  - Održavanje baze podataka (DNEVNO ARHIVIRANJE baza podataka, aplikacije i sistemskih fajlova i provjera integriteta podataka);
  - u slučaju spajanja sa sistemom treće strane, uspostavljanje kontakta s trećom stranom, te dogovora i provjerava dužnosti treće strane;
  - Provjera raspoloživih IT resursa (stabilnost serverske infrastrukture, instrukcije za poboljšanje postojeće i kontinuirani monitoring, uključujući i podršku dislociranoj mobilnoj komponenti);
  - Analiza serverskih log fajlova i mjesečno izvještavanje IT službe korisnika;
  - Mjesečno pohranjivanje sistemskog softvera na servere;

- Osiguranje pristupa svemu pohranjenom – obezbjeđen pristup ovlaštenom IT osoblju korisnika;
- Obezbjediti softverski monitoring rada svih servera, u koji će imati uvid IT služba korisnika;
- Kreirati karakteristične mjesečne statističke izvještaje, koji će biti dostavljani uz mjesečni račun, a u koji će imati uvid i IT služba korisnika.

**Zahtjev za učešće mora sadržavati izjave i dokumente tražene ovom TD:**

1. Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.),
2. Zahtjev za učešće sa popisom dokumentacije priložene uz zahtjev za učešće, Prilog broj 1 TD
3. Izjava o ispunjenosti uslova iz člana 45. stav (1) tačaka od a) do d) ZJN- Prilog broj 2 TD, ovjerena od strane nadležnog organa (općinskog organa uprave, suda ili notara), ovjerenu kod nadležnog organa, u skladu sa tačkom 6.1. TD
4. Dokumenti o ispunjavanju profesionalne sposobnosti iz člana 46. ZJN BiH, u skladu sa tačkom 6.2. Tenderske dokumentacije
5. Dokumenti o ispunjavanju uslova iz člana 47. ZJN BiH, Prilog broj 5 TD, u skladu sa tačkom 6.3. TD
6. Ovjerene izjave kandidata ne starije od 15 dana od momenta predaje zahtjeva za učešće u pregovaračkom postupku sa objavom obavještenja kod Ugovornog organa, u skladu sa tačkom 6. 4. TD
7. Pismena izjava ponuđača iz člana 52. ZJN BiH, Prilog broj 3 TD, ovjerena od strane nadležnog organa (općinskog organa uprave, suda ili notara),
8. Obrazac povjerljive informacije, Prilog broj 4 TD,
9. Obrazac izjave o prihvatanju općih i posebnih uslova tenderske dokumentacije, Prilog broj 6 TD,
10. Ukoliko zahtjev za učešće, umjesto lica upisanog u sudski registar, potpisuje ovlašteno lice, potrebno je uz zahtjev, dostaviti i original ili ovjerenu fotokopiju punomoći lica ovlaštenog za potpisivanje zahtjeva za učešće.

**KOMISIJA KOJA PROVODI PREDMETNU JAVNU NABAVKU USLUGE ODRŽAVANJE I SERVISIRANJE LIS-a, modul transfuzija, laboratorija i mikrobiologija ZA POTREBE JU KANTONALNA BOLNICA ZENICA UTVRDILA JE DA JE KANDIDAT "WIZARD HEALTH" D.O.O. MOSTAR DOSTAVIO SLJEDEĆA TRAŽENA DOKUMENTA:**

1. Naslovna strana za dostavljanje zahtjeva za učešće u postupku nabavke usluga, na memorandum ponuđača;
2. Specifikacija dostavljenih dokumenata, na memorandumu ponuđača, potpisana i ovjerena od strane ovlaštene osobe;
3. Osnovni podaci o ponuđaču, na memorandumu ponuđača, potpisani i ovjereni od strane ovlaštene osobe;
4. Obrazac za dostavljanje zahtjeva za učešće, Prilog broj 1, popunjen, potpisan i ovjeren od strane ovlaštene osobe;
5. Izjava o ispunjenosti uvjeta iz člana 45.stav (1)tačke od a) do d) ZJN, ovjerena kod nadležnog organa, Prilog broj 2;
6. Uvjerenje suda BiH, broj: Su: 03-3310/21 od 05.05.2021. godine, kojim se potvrđuje da protiv ponuđača nije izrečena pravosnažna osuđujuća presuda, u smislu čl.45.st.2 tačka a) ZJN BiH, ovjerena od strane nadležnog organa dana 05.07.2021. godine,
7. Potvrda Općinskog suda u Mostaru, broj: Su. uvip. 1231/2021. od 05.05.2021. godine o činjenicama iz službene uevidencije, da ponuđač nije predmet stečajnog postupka, postupka likvidacije, u smislu čl.45.st.2 tačka b) ZJN BiH, ovjerena od strane nadležnog organa dana 05.07.2021. godine,
8. Potvrda Općinskog suda u Mostaru, broj: Su. uvip 1232/2021. od 05.05.2021. godine o činjenicama iz službene evidencije, da ponuđač nije predmet stečajnog postupka, postupka likvidacije, u smislu čl.45.st.2 tačka b) ZJN BiH, ovjerena od strane nadležnog organa dana 05.07.2021. godine,
9. Potvrda Općinskog suda u Mostaru, broj: Su-uvip 9/2020. od 06.04.2020. godine o činjenicama iz službene evidencije, da protiv ponuđača nije vođen kazneni-krivični postupak odnosno nije donesena pravosnažna osuđujuća presuda, u smislu čl.45.st.2 tačka a) ZJN BiH, ovjereno od strane nadležnog organa dana 10.04.2020. godine;
10. Potvrda Općinskog suda u Mostaru, broj: SU-uvip 1233/2021. od 05.05.2021. godine o činjenicama iz službene evidencije, da protiv ponuđača nije izrečena pravosnažna presuda, u smislu čl.45.st.2 tačka a) ZJN BiH, ovjerena od strane nadležnog organa dana 05.07.2021. godine,
11. Uvjerenje Općinskog suda u Mostaru, broj: SU-uvip 1234/2021. od 05.05.2021. godine o činjenicama iz službene evidencije, da je uvidom u CCMS utvrđeno je da su „Wizard Healt“ d.o.o. Mostar proglašeni krivim u prekršajnom postupku rješenjem ovog suda broj 58 0 Pr 198296 18 Pr od 30.03.2018. ovjereno od strane nadležnog organa dana 05.07.2021. godine,

12. Uvjerenje Porezne uprave Federacije BiH, Porezna ispostava Mostar, broj: 13-7/1-12-5-7099-1/21 – N.M. od 06.07.2020. godine da ponuđač nema duga po osnovu javnih prihoda, kopija ovjerena od strane nadležnog organa dana 07.07.2020. godine,
13. Uvjerenje U i O BiH, Regionalni centar Mostar, broj: 02/6/III-16-11-2-2817/21 od 15.06.2021. godine da ponuđač nema neizmirenih obaveza po osnovu indirektnih poreza, kopija ovjerena od strane nadležnog organa dana 05.07.2020. godine,
14. Aktuelni izvod iz sudskog registra, Općinski sud u Mostaru, od 05.05.2021 godine, ovjerena kopija dana 05.07.2021. godine,
15. Izjava ponuđača da je proizvođač i ekskluzivni vlasnik autorskih prava za održavanje servisiranje i nadogradnju aplikativnih rješenja implementiranih u JU KBZ, potpisana i ovjerena od strane ovlaštene osobe i ovjerena od strane nadležnog organa 07.07.2021.
16. Potvrda Bosna Bank International d.d. Podružnica Mostar od 06.07.2021. o solventnosti glavnog računa ponuđača, original;
17. Izjava o ispunjenosti uvjeta iz člana 47.stav (1)tačke od a) do d) I (4) ZJN, potpisana i ovjerena od strane ovlaštene osobe, Prilog broj 5;
18. Pismena izjava iz člana 52. ZJN, ovjerena kod nadležnog organa dana 07.07.2021. godine, Prilog broj 3;
19. Obrazac za povjerljive informacije nema povjerljivih informacija, Prilog broj 4, popunjen, ovjeren i potpisan od strane ovlaštene osobe,
20. Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB RENOVATIO - TRANSFUZIJA implementiranog u JU KBZ, potpisana i ovjerena od strane ovlaštene osobe;
21. Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB ANALYSIS - MIKROBIOLOGIJA implementiranog u JU KBZ, potpisana i ovjerena od strane ovlaštene osobe;
22. Izjava ponuđača da je ekskluzivni vlasnik autorskih prava za održavanje servisiranje i nadogradnju aplikativnog softvera RGB ANALYSIS - LABAROTORIJA implementiranog u JU KBZ, potpisana i ovjerena od strane ovlaštene osobe;
23. Izjava ponuđača o angažovanom tehničkom osoblju sa navedenom stručnom spremom, potpisana i ovjerena od strane ovlaštene osobe;
24. Izjava ponuđača o funkcionalnosti i raspoloživosti sistema, potpisana i ovjerena od strane ovlaštene osobe;
25. Izjava ponuđača o odzivu i raspoloživosti servisa – 12 mjeseci na projektu, potpisana i ovjerena od strane ovlaštene osobe;
26. Izjave ponuđača tražene tačkom 6.4 Tenderske dokumentacije (po zahtjevima za tehničku i servisnu podršku), potpisana i ovjerena od strane ovlaštene osobe;
27. Izjava/spisak osoba sa pristupom sistemu kroz podršku, potpisana i ovjerena od strane ovlaštene osobe;
28. Izjava o povjerljivosti i privatnosti, potpisana i ovjerena od strane ovlaštene osobe;
29. Izjava o povjerljivosti i privatnosti - Aldin Ljevo, potpisana i ovjerena od strane lica koje daje izjavu;
30. Izjava o povjerljivosti i privatnosti - Arman Brekalo, potpisana i ovjerena od strane lica koje daje izjavu;
31. Izjava o povjerljivosti i privatnosti - Azer Abaz, potpisana i ovjerena od strane lica koje daje izjavu;
32. Izjava o povjerljivosti i privatnosti - Senad Dževlan, potpisana i ovjerena od strane lica koje daje izjavu;
33. Izjava o povjerljivosti i privatnosti - Miro Dušić, potpisana i ovjerena od strane lica koje daje izjavu;
34. Izjava o povjerljivosti i privatnosti - Sead Brkan, potpisana i ovjerena od strane lica koje daje izjavu;
35. Obrazac izjave o prihvatanju općih i posebnih uslova TD, Prilog broj 6, popunjen, ovjeren i potpisan od strane ovlaštene osobe;
36. Sadržaj ponude, na memorandumu ponuđača, potpisani i ovjereni od strane ovlaštene osobe;

**Komisija koja provodi predmetnu javnu nabavku pristupila je analizi i procjeni kvalifikacija kandidata u predmetnoj javnoj nabavci „Wizard Health“ D.O.O. MOSTAR i konstatuje da je imenovani kandidat dokazao svoju kvalificiranost, jer je utvrđeno da je zahtjev za učešće uvezan na način utvrđen T.D. u skladu sa tačkom 9.1., da je ponuđač dostavio sve dokumente, obrasce i izjave tražene TD o ispunjavanju kvalifikacionih uslova traženih u pogledu:**

- **Lične sposobnosti u skladu sa tačkom 6.1. TD, iz člana 45. ZJN BIH, te da je dostavio svu potrebnu dokumentaciju kojom dokazuje ispunjenost uslova iz naprijed naveden tačke, te u slučaju da odlukom o izboru bude odabran neće biti dužan istu dostavljati obzirom da je dokumentacija sastavni dio dostavljene ponude,**
- **Profesionalne sposobnosti u skladu sa tačkom 6.2. TD iz člana 46. ZJN BIH**
- **Ekonomsko finansijske sposobnosti u skladu sa tačkom 6.3. TD, iz člana 47. ZJN BIH, odnosno da je kandidat uredno dostavio ovjeren Prilog broj 6 i potvrdu nabke o solventnosti glavnog računa**
- **te sve izjave iz tačke 6.4. TD koje čine satavni dio ponude**

Komisija koja provodi predmetnu javnu nabavku konstatuje da kandidat „Wizard Health“ D.O.O. MOSTAR zadovoljava kvalifikacione uvjete te će biti pozvan da dostavi inicijalnu ponudu u predmetnoj javnoj nabavci usluge.

Komisija koja provodi predmetnu javnu nabavku jednoglasno donosi odluku da se direktoru JU Kantonalna bolnica Zenica predloži donošenje odluke o utvrđivanju kvalificiranosti kandidata „Wizard Health“ D.O.O. MOSTAR, te objavljivanje zahtjeva za dostavu Inicijalne ponude za nabavku usluga: održavanja i servisiranja LIS-a, modul transfuzija, laboratorija i mikrobiologija potrebe JU Kantonalna bolnica Zenica

**Uvidom u Inicijalnu ponudu kandidata „Wizard Health“ d.o.o. Mostar, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:**

- Naslovna strana za dostavljanje inicijalne ponude,
- Specifikacija dostavljenih dokumenata uz ponudu koji čini sadržaj ponude,
- Osnovni podaci o ponuđaču na memorandumu ponuđača potpisani i ovjereni od strane ovlaštenog lica,
- Obrazac za dostavljanje inicijalne ponudu – Prilog 1
- Obrazac za cijenu inicijalne ponude – Prilog 2
- Ponuda, 21-010-000037 od 24.07.2021. godine,
- Izjava dobavljača o prihvatanju garancije za dobro izvršenje ugovora - Prilog 3
- Parafiran i potpisan nacrt ugovora- Prilog 4
- Izjava o prihvatanju općih i posebnih uslova tenderske dokumentacije -Prilog 5
- Izjava kandidata o prihvatanju mjesta isporuke, na memorandumu ponuđača potpisana i ovjerena od strane ovlaštenog lica,
- Izjava kandidata o prihvatanju roka isporuke, na memorandumu ponuđača potpisana i ovjerena od strane ovlaštenog lica,
- Izjava ponuđača o važenju ponude od 120 dana, na memorandumu ponuđača potpisana i ovjerena od strane ovlaštenog lica,
- Izjava kandidata o prihvatanju roka i načina plaćanja, na memorandumu ponuđača potpisana i ovjerena od strane ovlaštenog lica,
- Izjava ponuđača o nepromjenjivosti cijena za vrijeme trajanja ugovora, na memorandumu ponuđača potpisana i ovjerena od strane ovlaštenog lica,
- Izjava ponuđača o rezidentima, na memorandumu ponuđača potpisana i ovjerena od strane ovlaštenog lica,
- Popis dokumenata koji čine sadržaj ponude.

Komisija koja provodi predmetnu javnu nabavku je uvidom u Obrazac za cijenu Inicijalne ponude kandidata „WIZARD HEALTH“ D.O.O. MOSTAR, utvrdila da je ukupna cijena ponude 44.280,00 KM bez uračunatog PDV-a.

Komisija koja provodi predmetnu javnu nabavku je utvrdila da je ponudjač „WIZARD HEALTH“ D.O.O. MOSTAR dostavio sva tražena dokumenta, da je Inicijalna ponuda zadovoljila kriterije za zaključivanje ugovora na period od 1 (jedne) godine.

Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude. Sastanak završen u 11,25 sati. Pregovori su održani istog dana.

Komisija je pozvala predstavnika ponuđača da se očituje u pogledu davanja popusta ili rabata na ponudenu cijenu u inicijalnoj ponudi i ostale uvjete u vezi sa izvršenjem predmetnih usluga.

Ponuđač je u vezi Inicijalne ponude izjavio sljedeće: Ostajemo pri cijeni datoj u Inicijalnoj ponudi, obzirom da su u cijenu ponude uključeni svi popusti od strane ponuđača. U cjelosti ostajemo kod ostalih uvjeta isporuke. Ponuđač je iznio problem u vezi sa kontinuitetom u vezi pružanja predmetnih usluga u smislu da li će iste biti obuhvaćene po isteku važećeg ugovora (a prije zaključenja novog ugovora), da se nastali problem riješi u obostranom interesu na jedan od zakonom predviđenih načina: da se novi Ugovor primjenjuje sa datumom isteka ranijeg važećeg ugovora kako da bi se održao kontinuitet u pružanju usluga, fakturisanju istih i drugim očekivanim radnjama ili da se provede poseban pregovarački postupak ili direktni sporazum. Komisija je navedenu konstataciju uzela na znanje te će o navedenom načinu rješavanja iznesenog problema obavijestiti ponuđača.

Komisija je nakon pregovora obavijestila ponudjača da će biti pozvan da dostavi svoju konačnu ponudu dana 23.07.2021. godine, (petak), do 13,00 sati na bazi uvjeta koji su razmotreni na pregovorima.

**Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponudu dostavio sljedeća tražena dokumenta:**

- Naslovna strana za dostavljanje konačne ponude na memorandumu ponuđača;
- Specifikacija dostavljenih dokumenata, potpisana i ovjerena od strane ovlaštene osobe;
- Osnovni podaci o ponuđaču, na memorandumu ponuđača, potpisani i ovjereni od strane ovlaštene osobe;
- obrazac za dostavljanje konačne ponude-Prilog 1, potpisan i ovjeren od strane ovlaštene osobe;
- obrazac za cijenu konačne ponude- Prilog 2, potpisan i ovjeren od strane ovlaštene osobe;
- Ponuda broj 20-010-000037 od 22.07.2021., potpisana i ovjerena od strane ovlaštene osobe;
- Sadržaj ponude, na memorandumu ponuđača, potpisan i ovjeren od strane ovlaštene osobe

**Komisija za nabavku je uvidom u Obrazac za cijenu KONAČNE ponude kandidata "Wizard Health" d.o.o. Mostar, utvrdila da je ponuđena cijena 3.690,00 bez PDV-a na mjesečnom nivou, odnosno ukupna cijena ponude je 44.280,00 KM bez PDV-a na godišnjem nivou.**

**Komisija je utvrdila da je ponudjač "WIZARD HEALTH" D.O.O. MOSTAR dostavio sva tražena dokumenta, da je Konačna ponuda zadovoljila kriterije za zaključivanje ugovora na jednu godinu.**

Također, tenderskom dokumentacijom planirano je provođenje e-aukcije. Obzirom da je nakon provjere kvalificiranosti ponuđača utvrđeno da samo jedan ponuđač ispunjava kvalifikacione uslove tražene TD provođenje e-aukcije (koliko je se i prijavilo) u tom slučaju se ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

Komisija koja provodi predmetnu javnu nabavku jednoglasno donosi preporuku da se direktoru JU Kantonalna bolnica Zenica predloži donošenje odluke o izboru ponude ponuđača "WIZARD HEALTH" D.O.O. MOSTAR kao najpovoljnijeg i jedinog ponuđača za nabavku usluga - održavanje i servisiranje LIS-a, modul transfuzija, laboratorija i mikrobiologija za potrebe JU Kantonalna bolnica Zenica (32-N-03/21), te zaključivanje ugovora sa odabranim ponuđačem na ukupnu vrijednost konačne ponude od 44.280,00 KM bez uračunatog PDV-a.

Na osnovu gore navedenog, donesena je Odluka kao u dispozitivu.

**POUKA O PRAVNOMLIJEKU:**

Protiv ove odluke može se uložiti žalba Kantonalnoj bolnici Zenica u roku od 10 /deset/ dana od dana prijema iste.



**DIREKTOR**  
Prof.dr.sc.prim Skomorac Rasim

*Aurela J. Amelarić*  
*foh*